




# ხაშურის მოახბე



№17(390)

8 მაისი, ორშაბათი, 2023 წელი

## ხაშურის მუნიციპალიტეტის საკრებულოს სხდომა

4 მაისს, ხაშურის მუნიციპალიტეტის საკრებულოს მორიგი სხდომა გაიმართა, რომელსაც საკრებულოს თავმჯდომარე ნინო ლიპარტელიანი უძღვებოდა.

სხდომაზე განსახილველად 7 საკითხი იყო წარმოდგენილი.



საკრებულომ, ხმათა უმრავლესობით, დაამტკიცა ცვლილებები ხაშურის მუნიციპალიტეტის 2023 წლის ბიუჯეტსა და ასიგნებების ფარგლებში განსახორციელებელ ღონისძიებათა გეგმაში;

აგრეთვე, დადგენილებაში „ხაშურის მუნიციპალიტეტის მერიის თანამდებობის პირთა და სხვა საჯარო მოსამსახურეთა საშტატო ნუსხის დამტკიცებისა და თანამდებობრივი სარგოების ოდენობების განსაზღვრის შესახებ და მერიის პირველადი სტრუქტურული ერთეულის - საფინანსო-საბიუჯეტო სამსახურის დებულების დამტკიცების შესახებ

საკრებულოს დადგენილებებში;

მხარი დაუჭირა პროექტს „ხაშურის მუნიციპალიტეტის სოფლებში სახელწოდების არმქონე გეოგრაფიული ობიექტების არაბული ციფრებით სახელდების თაობაზე“;

მოისმინა და დადებითად შეაფასა ხაშურის მუნიციპალიტეტის მერიის ზედამხედველობის სამსახურის მიერ 2022 წელს გაწეული მუშაობის



ანგარიში; (იხ. II გვერდზე) და ხაშურის მუნიციპალიტეტის მერიის მართვაში არსებული შპს „ხაშურის დეზინფექციის, დეზინფექციის, დერატიზაციისა და სტერილიზაციის სამსახურის“ მიერ, 2022 წელს გაწეული მუშაობის ანგარიში.

სხდომას ესწრებოდნენ მერიის სამსახურების ხელმძღვანელები, საჯარო სკოლების უფროსკლასელები.

## ხაშურმა ეუთოს ახალგაზრდულ დელეგაციას უმასპინძლა

3 მაისს, ხაშურის მუნიციპალიტეტში სტუმრად იმყოფებოდა ეუთოს (OSCE) ახალგაზრდული დელეგაცია ქალაქ დუშანბედან (ტაჯიკეთი).



ხაშურის მუნიციპალიტეტის საკრებულოს და გენდერული თანასწორობის საბჭოს თავმჯდომარე ნინო ლიპარტელიანმა დელეგაციის წევრებს გაუზიარა გამოცდილება გენდერული თანასწორობის საბჭოს მუშაობის, გამოწვევების, მიღწევების შესახებ. შეხვედრას ესწრებოდნენ: საკრებულოს სამანდატო კომისიის თავმჯდომარე, გენდერული თანასწორობის საბჭოს მდი-ვანი მაკა დიდებულოძე, მერიის გენდერულ თანასწორობაზე პასუხისმგებელი პირი ნინო სუხიაშვილი, ჯანმრთელობის დაცვისა და სოციალური უზრუნველყოფის სამსახურის ხელმძღვანელი გიორგი ცერცვაძე, რომლებმაც უპასუხეს დასმულ შეკითხვებს.



სასწავლო ვიზიტი ჩატარდა ეუთოს პროექტის ქალთა პოლიტიკურ და საზოგადოებრივ მონაწილეობის ფარგლებში.

## ხაშურის მუნიციპალიტეტში საშუალოვადაიანი განვითარების დოკუმენტის შემუშავება დაიწყო

დოკუმენტის მომზადებაზე მომუშავე ჯგუფის წევრები მუნიციპალიტეტის საკრებულოს თავმჯდომარე ნინო ლიპარტელიანთან ერთად USAID ძლიერი სოფლის პროგრამის ექსპერტ შოთა მურულუას შეხვდნენ და



სფეროების მიხედვით საქმიანობის ძირითად მიმართულებებზე შეთანხმდნენ.

USAID-ის ძლიერი სოფლის პროგრამის მიზანია ხელი შეუწყოს ხაშურის მუნიციპალიტეტის სტაბილურ სოციალურ-ეკონომიკურ განვითარებას, რაც პოზიტიურად აისახება

მუნიციპალიტეტში მცხოვრები მოქალაქეების ყოველდღიურ ყოფაზე. თანამშრომლობის ფარგლებში, პროგრამა ხაშურის მუნიციპალიტეტს სრულყოფილი მუნიციპალური განვითარების სტრატეგიის შემუშავებაში დაეხმარება და ამით მხარს დაუჭერს რეგიონის გაძლიერებას, ახალი შესაძლებლობების, სამუშაო ადგილების გაჩენასა და არსებულ და სამომავლო რისკებთან გამკლავებაში.

საშუალო ვადაიანი განვითარების დოკუმენტის მომზადების სამუშაო ჯგუფი აერთიანებს მუნიციპალიტეტის საკრებულოსა და მერიის წარმომადგენლებს, სკოლების ხელმძღვანელებს, მცირე და საშუალო მეწარმეებს, სოფლის მეურნეობის საკონსულტაციო ცენტრის, სამოქალაქო საზოგადოების წარმომადგენლებს.





### მუნიციპალიტეტის მერიის ზედამხედველობის სასამსახურის მიერ 2022 წელს გაწეული მუშაობის ანგარიში

ზედამხედველობის სამსახური ფუნქციონირებს: „საქართველოს ზოგადი ადმინისტრაციული კოდექსი“-ს; „საქართველოს სივრცის დაგეგმარების, არქიტექტურული და სამშენებლო საქმიანობის კოდექსი“-ს; „საქართველოს ადმინისტრაციული სამართალდარღვევის კოდექსი“-ს; „საქართველოს ნარჩენების მართვის კოდექსი“-ს; ხაშურის მუნიციპალიტეტის საკრებულოს 2017 წლის 4 დეკემბრის, „პირველადი სტრუქტურული ერთეულის-ზედამხედველობის სამსახურის დებულების დამტკიცების შესახებ“ N44 დადგენილებისა და სხვა ნორმატიული აქტების საფუძველზე.

2022 წლის 1 იანვრიდან 31 დეკემბრის ჩათვლით, ზედამხედველობის სამსახურის მიერ განხორციელდა შემდეგი სამუშაოები:

1. სამშენებლო სამართალდარღვევის ფაქტებზე გამოვლინდა 15 სამართალდარღვევა, შედგა 14 მითითება, 15 შემოწმების აქტი და გამოიწვია 15 დადგენილება. აქედან, 4 ფაქტზე შესრულდა ზედამხედველობის სამსახურის მოთხოვნა უზუსტობის აღმოფხვრაზე და გამოიწვია დადგენილება საქმის შეწყვეტის შესახებ, ხოლო დანარჩენ 11 ფაქტზე გამოიწვია დადგენილება დაჯარიმების შესახებ.
2. ადმინისტრაციულ სამართალდარღვევების ფაქტზე შედგენილია 9 ადმინისტრაციულ სამართალდარღვევის ოქმი და გადაგზავნილია სასამართლოში განსახილველად. 6 ოქმი შედგა ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, მოსამართლის გადაწყვეტილებით ერთ სამართალდარღვევაზე შეწყდა საქმისწარმოება, ხოლო დანარჩენ ხუთ სამართალდარღვევაზე სასამართლო შემოიფარგლა გაფრთხილებით. ნარჩენების მართვის კოდექსით გათვალისწინებული სამართალდარღვევაზე შედგენილი და სასამართლოში გადაგზავნი იქნა 3 საჯარიმო ქვიტარი-ადმინისტრაციულ სამართალდარღვევის ოქმი, აქედან 2-მა სამართალდამრღვევმა მიიღო გაფრთხილება ხოლო ერთი მათგანი დაჯარიმდა 400 (ოთხასი) ლარის ოდენობით
3. ექსპლუატაციაში მიღებული იქნა 58 ობიექტი.
4. საქართველოს პრეზიდენტის N660 ბრძანებულების შესაბამისად მოხდა 2 საცხოვრებელი სახლის ლეგალიზება ზედამხედველობის სამსახური სამშენებლო კანონმდებლობის საფუძველზე ახორციელებს გაცემული სამშენებლო ნებართვების კონტროლს. კერძოდ, მუნიციპალიტეტის მერიის მიერ გაცემულ

სამშენებლო ნებართვებზე ხორციელდება შემოწმება, რათა მშენებლობა განხორციელდეს გაცემული ნებართვისა და სამშენებლო დოკუმენტის სრული დაცვით. ობიექტის მშენებლობის დასრულების შემდგომ ხდება მათი ექსპლუატაციაში მიღება, რის შემდგომაც მოქალაქეებს ეძლევათ საშუალება მოახდინონ მათი მშენებლობადასრულებული ობიექტების საჯარო რეესტრში რეგისტრაცია. ასევე, ლეგალიზების შემთხვევაში ხდება საჯარო რეესტრში ქონების რეგისტრაცია

პერიოდულად ხორციელდება ყოველდღიური ინსპექტირება ქალაქისა და მუნიციპალიტეტის სოფლების ტერიტორიაზე, რათა მოხდეს სამართალდარღვევათა დროული პრევენცია და აღმოფხვრა. (ხდება მოქალაქეების გაფრთხილება ამა თუ იმ სამართალდარღვევაზე, ინფორმირების მიზნით, მოქალაქეებს ვაცნობთ კანონმდებლობის დარღვევაზე მოსალოდნელი საჯარიმო სანქციების შესახებ)

ზედამხედველობის სამსახურში ასევე შემოდის განცხადება- საჩივრები, რაზედაც სპეციალისტებს აქვთ მყისიერი რეაგირება.

ზედამხედველობის სამსახურის სპეციალისტები ასევე მონაწილეობენ სასამართლო პროცესებში გასაჩივრებული დადგენილებისა და ადმინისტრაციულ სამართალდარღვევათა ოქმის განხილვის დროს, იურიდიული უზრუნველყოფის სამსახურთან ერთად წარმოადგენენ მუნიციპალიტეტს.

ზედამხედველობის სამსახურის სპეციალისტები ასევე არიან მუნიციპალიტეტის მიერ შესყიდული სამშენებლო სამუშაოს ინსპექტირების მუდმივმოქმედი ჯგუფის წევრები და ინფრასტრუქტურისა და კეთილმოწყობის სამსახურთან კოორდინაციაში აწარმოებენ მიმდინარე სამშენებლო სამუშაოების ინსპექტირებას და შემდგომში მათ მიღება-ჩაბარებას.

2022 წელს ჯამურად მიღება-ჩაბარება გაფორმდა 700 000 ლარამდე შესყიდულ სამშენებლო სამუშაოზე (50 000 ლარამდე შესყიდული სამუშაო).

ზედამხედველობის სამსახური ასევე ახორციელებს ხაშურის მუნიციპალიტეტის ტერიტორიაზე დასუფთავების მოსაკრებლის ქვითრების ბეჭდვას, არსებული ბაზის განახლებას და მასში კორექტირების შეტანას.

სამშენებლო სამართალდარღვევებით ბიუჯეტის სასარგებლოდ გადახდილი საჯარიმო თანხამ შეადგინა 9900 ლარი, სულ სამშენებლო სამართალდარღვევების შედეგად დაკისრებული იქნა 14900 ლარი, ხოლო დასუფთავების მოსაკრებელმა შეადგინა 133655,6 ლარი.

შოთა კუჭაიძე,  
ზედამხედველობის სამსახურის ხელმძღვანელის  
ფუნქციების განმახორციელებელი პირი

### საბიბლიოთეკო კვირეული - 2023

საბიბლიოთეკო კვირეულის დახურვასთან დაკავშირებით მთავარ ბიბლიოთეკას ესტუმრნენ ხაშურის მუნიციპალიტეტის განათლების, კულტურის და სპორტის სამსახურის თანამშრომლები.

შეხვედრა მისასალმებელი სიტყვით გახსნა საბიბლიოთეკო გაერთიანების დირექტორმა კლარა გელაშვილმა.

განათლების, კულტურის და სპორტის სამსახურის თანამშრომლებმა

ისაუბრეს ბიბლიოთეკის როლზე, როგორც ერთ-ერთ საგანმანათლებლო კერაზე, რომელიც უდიდეს როლს ასრულებს მომავალი თაობის ჯანსაღი ცნობიერების ჩამოყალიბებაში. მადლობა გადაუხადეს ბიბლიოთეკის თითოეულ თანამშრომელს და წარმატებები უსურვეს მეტად საპასუხისმგებლო საქმიანობაში.

საბიბლიოთეკო კვირეულში ჩატარებული ღონისძიებების შესახებ ისაუბრეს და ეს დღე ერთმანეთს მიულოცეს ბიბლიოთეკის თანამშრომლებმა.



### სოფელ ახალუბანში გზის მოწყობის სამუშაოები აქტიურ რეჟიმში მიმდინარეობს

პროექტის ფარგლებში მოეწყობა 560 გრძივი მეტრი გზა. ამ ეტაპზე მიმდინარეობს ბეტონის საფარის დაგებისა და სანიაღვრე სისტემის მოწყობის სამუშაოები.

გზის აღნიშნული მონაკვეთის მოწყობის პროექტი მოსახლეობის მოთხოვნის შედეგად ხორციელდება.

რეაბილიტირებული გზით სარგებლობას 200-ზე მეტი მოქალაქე შეძლებს.

ადგილობრივი ბიუჯეტის მხარდაჭერით მიმდინარე პროექტის ღირებულება 386 915 ლარია.

სასიამოვნოა, რომ ჩვენს მუნიციპალიტეტში შემავალი სოფლების ინფრასტრუქტურის კეთილმოწყობის სამუშაოები ასეთი ტემპით მიმდინარეობს. როგორც მერიაში განგვიცხადეს, ეს პროცესი შეუქცევადია და მის სასიკეთო შედეგებს ყველა სოფელი იგრძნობს.





# მარიამ ლომიძე- ახალგაზრდა ევროპელი ელჩი - გოგონა ხაშურიდან, რომელიც ამერიკაში მინერვას უნივერსიტეტის სტუდენტი გახდა

მარიამ ლომიძე - სსიპ ილია ჭავჭავაძის სახელობის ხაშურის მე-3 საჯარო სკოლის მე-12 კლასის მოსწავლე, 2022 წლის Flex-ის პროგრამის კურსდამთავრებული, ახალგაზრდა ევროპელი ელჩი, მოხალისე... სექტემბრიდან 95% დაფინანსებით ამერიკაში „Minerva University“-ში ისწავლის.

- ჩავირიცხე მინერვას უნივერსიტეტში, მიმდინარე სასწავლო წლის სექტემბრიდან დავიწყებ სწავლას, მივიღე 95 პროცენტიანი დაფინანსება. მინერვა თანამედროვე, ინოვაციური უნივერსიტეტია, რომლის საშუალებით 7 სხვადასხვა ქვეყანაში ვისწავლი 4 წლის განმავლობაში“.

წერს მარიამი სოციალური ქსელებში. ჩვენთან კი დასახული მიზნის მიღწევისათვის, იმ ეტაპებზე საუბრობს, რაც მან ამერიკაში სწავლის დაფინანსების მიღებამდე გაიარა.



- ვარ „Flex“ პროგრამის 2022 წლის კურსდამთავრებული, 1 წლით ვისწავლე ამერიკაში და ამის შემდეგ სულ ვიცი, რომ მინდოდა უმაღლესი განათლებაც აქვე მიმეღო, ამერიკაში ან საზღვარგარეთ, ნებისმიერ ქვეყანაში. არ მქონდა გადაწყვეტილი ზუსტად რომელ ქვეყანაში ვაპირებდი სწავლის გაგრძელებას, მაგრამ დავიწყე უნივერსიტეტების მოძიება, იმის მიხედვით სად მინდოდა სწავლა. გავაგზავნე ჩემი აპლიკაციები, ჩავაბარე „SAT“ გამოცდა, „TOEFL“ გამოცდა, რაც საჭირო იყო გვაკეთე ყველაფერი. გავგზავნე დაახლოებით ოცამდე უნივერსიტეტში ჩემი აპლიკაციები, მაგრამ ჩემთვის ყველაზე სასურველი უნივერსიტეტი, მაინც მინერვა უნივერსიტეტი იყო, რადგანაც განსხვავებული

სწავლების მეთოდი აქვთ მათ. უფრო რომ დავკონკრეტდე, 1 წლით ვისწავლი სან-ფრანცისკოში, შეწმდები სამი წელი კი, თითოეული სემესტრი სხვადასხვა ქვეყანაში მივიღებ განათლებას. მინერვა უნივერსიტეტის მიდგომა გამოცდილებებზე დაფუძნებული სწავლება და არამხოლოდ წიგნით, ლექტორით და ლექციის მოსმენით მიღებული განათლება. მსაბამისად, სხვადასხვა ქვეყნებში მივიღებ განათლებას, პარალელურად გავცნობით მათ კულტურას, გვაკეთებთ პროექტებს, ადგილობრივ კომპანიებთან ვითანამშრომლებთ და ა. შ. ამიტომაც ეს უნივერსიტეტი ჩემთვის ყოველთვის განსაკუთრებული იყო... დაახლოებით გაზაფხულზე, მარტში გავაგზავნე აპლიკაცია უნივერსიტეტში მათივე ვებ-საიტიდან და 4 კვირაში მივიღე პასუხები, რომ ჩავირიცხე.

**-მარიამ, შენი ემოცია, როცა გაიგე, რომ მიიღე დაფინანსება...**

- შუაღამეს, დილიდ 5 საათზე გავიგე ჩარიცხვის შესახებ პასუხი. თავიდან საერთოდ არ მქონდა ემოცია შოკის გამო, ვერ გავანალიზე, რა მოხდა, თან, რაღაც მხრივ, ველოდებოდი კიდევ დადებით პასუხს, უკვე ინტერვიუც მქონდა უნივერსიტეტთან... პირველ რიგში, ჩემს მშობლებს დაურეკე, ბებიასთან ვიყავი, დილით გავაღვიძე ყველა და ძალიან გაკვირვებულები და გახარებულები ვიყავით.

- მეც ამატირა მისმა წარმატებამ, - საუბარში ერთვება მარიამის კლასის დამრიგებელი, მე-3 საჯარო სკოლის ქიმიის პედაგოგი ლელა კიკაძე, - მარიამი იდეალური მოსწავლე გვყავს, განსაკუთრებულია მართლაც. მიუხედავად იმისა, რომ განებივრებული ვარ ჩემი კლასის მოსწავლეებით, სამი ბავშვი იღებდა „ფლექს“ პროგრამაში მონაწილეობას, მარიამი არის ყველაზე ახალგაზრდა გამორჩეული სწავლით, ქცევით, აქტივობებით, იდეალური მოსწავლეა. მინდოდა მეთქვა, მარიამმა გვიან გითხრა თქვენ, რომ ახალგაზრდა ევროპელი ელჩია, და განსაკუთრებულია. ჩემი სხვა ახლობლებიც არიან ევროკავშირის ამ პროექტში ჩართული და მარიამი გამოირჩევა საქართველოს ყველა კუთხიდან კი არა, ევროპის სხვადასხვა ქვეყნებიდან ჩამოსულ ახალგაზრდებს შორისაც მათ შეკრებებზე. და მართლა ბედნიერი ვარ და ამაყი. ხედავთ, ალბათ, როგორი რესპონდენტია მარიამი. ამერიკაში, მართალი რომ გითხრა, არ გამეხარდა



მარიამის წასვლა, რადგან მარიამი გვტოვებდა (ილიმის), თუმცა გვეტოვებდა სისტემატური ურთიერთობა, მიმოწერა და ყველა ნაბიჯი მარიამის არის ჩემთვის სასიხარულო. კიდევ ერთხელ აღვნიშნავ, რომ დილის შვიდ საათზე მქონდა სიხარულის ცრემლები, ვტიროდი, ვტიროდი იმიტომ, რომ ძალიან გახარებული ვიყავი მარიამის წარმატებით. მარიამი ყოველთვის, ყველგან მესამე სკოლას ასახელებს და გვასახელებს ჩვენ. ამაში ღრმად ვარ დარწმუნებული!

**- ვფიქრობ, არა მარტო სკოლას და ქალაქს, არამედ საქართველოს წარმატებაც არის ეს...**

- კი, რა თქმა უნდა. მარიამი სხვადასხვა პროექტშია ჩართული. „საფარის“ პროექტი თითონაცასხენა, ახალგაზრდა ევროპელი ელჩია და განსაკუთრებულად აქტიურია ამ პროგრამაში. მარიამი ძალიან ხშირად ატარებდა პრეზენტაციებს, როგორც სასკოლო სივრცეშია, ასევე სხვა არაფორმალურ სივრცეებში. იყო ეს გარემოს დაცვის, თუ ქალთა უფლებების სფეროში. სკოლაში არაფერი ხდება მის გარეშე. მოკლედ, იდეალურია, ამას ყოველგვარი გადაჭარბების გარეშე ვამბობ, დრო გვიჩვენებს, მარიამთან ბევრ ინტერვიუს ჩაიწერთ მომავალშიც.

**-ერთი ინტერვიუ ჩაწერილი მაქვს უკვე „საფართან“ მეხვედრისას, ეს უკვე მეორეა და ავითვალთ აწი სიამაყით. ცხადია და ნათელია, რომ განათლების მიღებაზე ორიენტირებული ხარ, თვითგანვითარებაზე ზრუნავ. საინტერესოა, სკოლაში სწავლისაგან თავისუფალ დროს, რითი ხარ დაკავებული, რა ინტერესები გაქვს?**

- ვმოხალისეობ ძალიან ბევრს, ვარ „ფლექსის“ ალუმნა, ვარ ჩვენი ქალაქის წარმომადგენელი „ფლექს“ პროგრამაში, შესაბამისად, ყოველთვის უნდა პროექტებს ვაკეთებ და ეს ჩემი ცხოვრების დიდი ნაწილია, რადგან ძალიან მიყვარს მოხალისეობა. ამასთანავე, ვარ ახალგაზრდა ევროპელი ელჩი. ეს არის ევროკავშირის ინიციატივიდან. ევროკავშირსა და საქართველოს შორის ურთიერთობებს ახალგაზრდები წარმოვადგენთ, ვაკეთებთ პროექტებს, რაც ჩვენს თემში შეიძლება დაეხმაროს ინფორმაციის, სწორი ინფორმაციის გავრცელებას საზოგადოებაში ევროკავშირის შესახებ. ესეც ძალიან მნიშვნელოვანი ნაწილია ჩემთვის. როგორც ყველა ახალგაზრდა, მეც მხარს ვუჭერ საქართველოს ევროპულ მომავალს და მიხარია, რომ ნაწილი ვხდები ამ პროცესისა. რაც შეეხება თავისუფალ დროს, მიყვარს დღიურების წერა, პატარა ჩანახატების გაკეთება. ძირითადად, ისეთი დაკავებული ვარ, რომ დიდად თავისუფალი დრო არ მრჩება. მაგრამ მაინც ვცდილობ დრო გამოვწახო ჩემი თავისთვის და პირადი განვითარებისთვის.



**მარიამი სწავლას სექტემბრიდან ამერიკაში გააგრძელებს 95% დაფინანსებით. ბუნებრივია, დავინტერესდი რას გულისხმობს კონკრეტულად 95% დაფინანსება მინერვას უნივერსიტეტში. როგორც მარიამმა განგვიმარტა, მას დაუფინანსდება სწავლის გადასახადი, საცხოვრებელი ნებისმიერ ქვეყანაში (სადაც ისწავლის ეტაპობრივად), სასწავლო ლიტერატურა, წიგნები, სწავლისათვის საჭირო რესურსებიც. მარიამს, ამავე დროს, შესთავაზეს უნივერსიტეტის ბაზაზე სამუშაო და ბუნებრივია, აქედანაც მიიღებს გარკვეულ შემოსავალს. მინერვას უნივერსიტეტში სწავლა 40700 დოლარის ღირებულებისაა და აქედან მარიამს 37 700 დოლარი დაუფინანსდა სასწავლებლის მიერ. დარჩენილი 5 პროცენტი კი ე.წ. „ოჯახიდან შეტანილი წვლილია“, ოჯახის კონტრიბუცია. მარიამის გეგმები, ამერიკაში გამგზავრების გამო, სრულიად შეიცვალა, თუმცა, საქართველოში, მიუხედავად ამისა, მაინც გეგმავს ეროვნული გამოცდების ჩაბარებას საკუთარი შესაძლებლობების გამოცდის გამო.**

- ვფიქრობდი, რომ ჩამებარებინა ეროვნული გამოცდები, თუმცა, ჩემი პრიორიტეტი ყოველთვის ამერიკული განათლების მიღება იყო. მქონდა „ბ“ გეგმა, რომ თუ ამერიკის უნივერსიტეტი არა, საქართველოში გავაგრძელებდი სწავლას და შემდეგ გაცვლითი პროგრამებით ვიმოგზაურებდი. აღარ ვგეგმავ საქართველოში სწავლის გაგრძელებას, მაგრამ მაინც ვგეგმავ გავიდე ეროვნულ გამოცდებზე, ჩემი შესაძლებლობები გამოვცადო, არ დაკარგო ფუჭად ჩემი სწავლა და შრომა, ბოლო ერთი წლის განმავლობაში.

**-მარიამ, საინტერესოა, რა პროფესია გაქვს შერჩეული?**

- მინერვას უნივერსიტეტში პირველი წელი ყველასათვის ზოგადი განათლების მიღებისთვისაა. მეორე წლიდან ირჩევ რა მიმართულებით გინდა ისწავლო, რა სპეციალობით. დაახლოებით ვიცი, რომ მინდა პოლიტიკური მეცნიერებების განხრა შევარჩიო, თავიდანვე ამას ვფიქრობდი. საქართველოში დარჩენის შემთხვევაშიც, მინდოდა საერთაშორისო ურთიერთობები შემესწავლა. ამიტომაც ვფიქრობ, რომ ამ კუთხით გავაგრძელებ სწავლას... მაგრამ ერთ წეინადში შეიძლება რადიკალურად შევცვალო გადაწყვეტილება და სხვა სფეროში წავიდე.

**-მარიამთან ერთად მინერვას უნივერსიტეტში, მისდა გასახარად, საქართველოდან მარიამის ორი მეგობარიც ისწავლის, მარიამ ყვავიძე და ქეთი ბუსკივაძე, ორივე მათგანი „FLEXS“ პროგრამიდან. და რაც მეტად საამაყო ხაშურელი მკითხველისათვის, ამავე უნივერსიტეტს წელს ამთავრებს ხაშურელი გოგონა, ელენე გოგალაძე, 2018 წლის „ფლექს“ პროგრამის კურსდამთავრებული. როგორც მარიამმა გვითხრა, ელენე და მისი ოჯახი ძალიან დაეხმარა გადაწყვეტილების მიღებაში. მისთვის მნიშვნელოვანია ფაქტი, რომ უკვე მეორე იქნება ხაშურიდან „მინერვაში“. წარმატებული და ნაყოფიერი სწავლის წლები უნდა ვუსურვოთ მარიამს და მრავალი წარმატებული და განათლებული ახალგაზრდა ჩვენს ქალაქს და საქართველოს.**



(გაგრძელება. დასაწყისი იხ. „ბმ“ #21,22,23,24,25,26,27,28,29 2021 წ. #1,2,3,4,5,6,7,8,9,10,11,12,13,14,15,16,17,18,19,20,21,22,23,24,25,26,29,31,33, 34,35,40,41,42,43. 2022 წ. #1, 2,3,4, 5,6,7,8,9,10,11,12,13,14,15,16,17,18,19,20,21,22,23,24,25,26,27,28, 29,30,31,32,33,34,35,36,37,38,39,40,41,46,47,48,49,50. 2023წ.#1,2 ,3,7,8,9,10,11,12,13,15,16)

1926-1927 წლების სეზონში იგი გადადის თბილისში და მუშაობას იწყებს მუშათა თეატრში, ხოლო 1927 წლის ბოლოდან საქართველოს განათლების კომისარიატი გზავნის სოხუმში, სადაც არსებს ქართულ თეატრს. შემდეგ იგი ქუთაისში კ. მარჯანიშვილის მიერ დაარსებული მეორე სახელმწიფო დრამატული თეატრის მსახიობია.

1930 წლიდან იგი საბოლოოდ თბილისში გადმოდის და მუშაობას იწყებს კოოპერაციულ თეატრში, რომლის ბაზაზეც შეიქმნა თბილისის მუსიკალური კომპლდის თეატრი, რომლის დირექტორი და სამხატვრო ხელმძღვანელი იყო II წლის მანძილზე.

დ. ძნელაძე წლების მანძილზე მუშაობდა საქართველოს ფილარმონიაში, იყო საქართველოს თეატრალური საზოგადოების თავმჯდომარის მოადგილე.

დ. ძნელაძეს სცენაზე შესრულებული აქვს 100-ზე მეტი დიდი და პატარა როლი, ხოლო როგორც რეჟისორი დადგენილი აქვს 40-ზე მეტი პიესა და ოპერეტა. დაჯილდოებული იყო „შრომის წითელი დროშის“, „საპატიო ნიშნის“ ორდენებითა და მედლებით.

გარდაიცვალა 1971 წელს.

პოსტსაბჭოთა სივრცეში კარგად არის ცნობილი ტექნიკის მეცნიერებათა დოქტორის, პროფესორ გურამ ფორს ძე ძანაშვილის სახელი. იგი ლაგოდების რაიონის სოფელ მშვიდობიანში დაიბადა 1932 წელს. წარჩინებით დაამთავრა ხაშურის II საშუალო სკოლა, შემდეგ საქართველოს პოლიტექნიკური ინსტიტუტის მექანიკა- მანქანათმშენებლობის ფაკულტეტი მანქანათმშენებლობის ტექნოლოგიის სპეციალობით. 1955 წელს მუშაობას იწყებს ქ. მინსკის მე-2 სახელმწიფო საკისრების ქარხანაში ჯერ ინჟინერ-ტექნოლოგად, ხოლო შემდეგ კი უფროს ტექნოლოგად. 1957 წელს დაინიშნა ამავე ქარხნის ავტომატური სახარატო საამქროს უფროსის მოადგილედ, ხოლო 1960 წლიდან ამავე საამქროს უფროსად. 1962 წლიდან ბელორუსიის პოლიტექნიკური ინსტიტუტის ასპირანტი. ამავე პერიოდში იგი ჯერ ქარხნის ლაბორატორიის უფროსია, ხოლო შემდეგ კი მთავარი ინჟინრის მოადგილე.

1967 წელს გ. ძანაშვილი იცავს საკანდიდატო დისერტაციას და აწინაურდება ქარხნის მთავარ ინჟინრად. 1969 წლიდან იგი მოსკოვში მოღვაწეობს და სათავეში ჩაუდგა საბჭოთა კავშირში საკისრების ქარხნების მშენებლობისა და რეკონსტრუქციის საქმეს. აქ იგი დაინიშნა საბჭოთა კავშირის საკისრების წარმოების მთავარი სამმართველოს უფროსის მოადგილედ. მისი ინიციატივითა და ძალისხმევით ხაშურში გახსნილი საუკუნის 80-იან წლებში დაარსდა საკისრების ქარხანა. 1993 წელს თბილისში დაიცვა სადოქტორო დისერტაცია.

გ. ძანაშვილი იყო კონცერნ „პოდშენიის“ ვიცე-პრეზიდენტი. არჩეული იყო რუსეთის მეცნიერებათა აკადემიის აკადემიკოსად, მინიჭებული ჰქონდა რუსეთის ფედერაციის დამსახურებული მანქანათმშენებლის წოდება, მეცნიერებისა და ტექნიკის დარგში სსრკ და რუსეთის ფედერაციის სახელმწიფო პრემია.

გარდაიცვალა 2010 წელს.

ტექნიკურ მეცნიერებათა კანდიდატმა გიორგი იოსების ძე ხაბელაშვილმა (დაიბადა 1937 წელს, ქ. ხაშურში) დაამთავრა II საშუალო სკოლა. 1961 წელს კი საქართველოს პოლიტექნიკური ინსტიტუტი გამოთვლითი ტექნიკის სპეციალობით. შემდეგ 1979 წელს პლავაგების თბილისის სახელმწიფო უნივერსიტეტის იურიდიულ ფაკულტეტს. 1961-1976 წლებში მუშაობდა თსუ ჯერ მექანიკა-მათემატიკის ფაკულტეტზე, ხოლო შემდეგ გამოყენებითი მათემატიკის ინსტიტუტში ინჟინრად, უფროს ინჟინრად, უმცროს და უფროს მეცნიერ თანამშრომლად. 1976-1980 წლებში საქართველოს პოლიტექნიკური ინსტიტუტის უფროსი მასწავლებელია, შემდეგ დოცენტი. 1980 წლიდან მუშაობს საქართველოს სსრ მეცნიერების და ტექნიკის სახელმწიფო კომიტეტის სახალხო მეურნეობის მართვის ინსტიტუტში სექტორის ხელმძღვანელად, სამეცნიერო-მეთოდური განყოფილების გამგედ და სხვა. ლექციებს კითხულობდა თსუ იურიდიულ ფაკულტეტზე.

თეატრისა და კინოს ცნობილი მსახიობი შალვა გიორგის ძე ხერხეულიძე, მართალია, ქ. ბაქოში დაიბადა 1908 წელს, მაგრამ მისი სახელი მჭიდროდ არის დაკავშირებული ქ. ხაშურთან. მან აქ გაატარა ახალგაზრდობის წლები. აქვე სწავლობდა ხაშურის ცნობილ გიმნაზიაში და აქვე ეხიარა თეატრალურ ხელოვნებას. 1925 წლიდან მონაწილეობდა სახალხო თეატრებისა და მუშათა კლუბების საქტაკლუბში. პროფესიულ სასცენო მოღვაწეობას ეწევა 1933 წლიდან. ქმრად აქვს თეატრის, სინდლის, ხაშურის, ბორჯომის სახელმწიფო თეატრებსა და ბაქოს ქართულ თეატრში (1933-40), გორის სახელმწიფო თეატრში (1941-80), თბილისის კინომსახიობთა თეატრში შესრულებული აქვს 250-მდე როლი, მათ შორის აღსანიშნავია სოლეიძე, ოთარბეგი, ანანია (სუმბათაშვილის „დალაბი“) პეტრუნი (შექსიანის „ჭირვეული ცოლის მორჯულება“), პრეზიდენტი, პოფმარშალი (შიდერის „ვერავობა და სიყვარული“, ყვარყვარე (კ. კაკაბაძის „ყვარყვარე თუთაბერი“, ფიცლა (გ. ნახუცრიშვილის „კომბლე“), პეპო (გ. სუნდუკიანის „პეპო“), თედუა (მ. ელიოზაშვილის „ბებერი მეზურნეები“), ავეტიქა, გიჟუა (ა. ცაგარელის „რაც გინახავს, ვეღარ ნახავ“) და სხვა.

ტ. ხერხეულიძე 1954 წლიდან მოღვაწეობდა კინოში. მან შეასრულა როლები: ფორგარაფი („ჩემი არდადეგები“), დავით მინდელი („ქალაქი ადრე იდგებებს“), მიხი („დემილის ბიჭები“), თობო („დიდებები და შვილიშვილები“), აქესენტი ოდიშარია („ყოჩაღ პაპუბო“), თაქთაქიშილი („წიგნი ფიცისა“), მჭედელი („მჭედელი“), ეპისკოპოსი („ეპისკოპოსის ნადრობა“) და სხვა.

შ. ხერხეულიძეს 1965 წელს მიენიჭა „საქართველოს სსრ სახალხო არტისტის“ წოდება.

გარდაიცვალა 1994 წელს.

პედაგოგიკის მეცნიერებათა კანდიდატი გრიგოლ ნესტორის ძე ჯაფარიძე 1904 წელს დაიბადა ქ. ხაშურში, რკინიგზელის ოჯახში. 1929 წელს დაამთავრა თსუ პედაგოგიური ფაკულტეტი ლიტერატურული განხრით, ხოლო 1933 წელს ფიზიკა-მათემატიკის ფაკულტეტი მათემატიკის სპეციალობით.

გრ. ჯაფარიძე 1930 წლიდან ეწეოდა პედაგოგიურ მოღვაწეობას. მუშაობდა სამედიცინო ტექნიკუმში, თბილისის საშუალო სკოლებში. 20 წლის განმავლობაში იყო თბილისის პიონერთა და მოსწავლეთა სახალხის მათემატიკის კაბინეტის გამგე. 1955 წლიდან მოღვაწეობდა ა. ს. პუშკინის სახელობის თბილისის პედაგოგიურ ინსტიტუტში. იგი არის არაერთი საყურადღებო შრომისა და სტატიის ავტორი მათემატიკის სწავლების მეთოდის დარგში. 1961 წელს მიენიჭა საქართველოს სსრ დამსახურებული მოსწავლელის წოდება.

ცნობილი პოეტი ლალი სოლომონის ასული ჯაფარაშვილი ხაშურში დაიბადა. მან 1964 წელს აქვე დაამთავრა I საშუალო სკოლა და სწავლა გააგრძელა საქართველოს პოლიტექნიკური ინსტიტუტის მსუბუქი მრეწველობის ფაკულტეტზე. ინსტიტუტის დამთავრების შემდეგ ლ. ჯაფარაშვილი თბილისის აბრეშუმის საწარმოო გაერთიანების ადგილობრივი რაიონის რედაქტორია, აქვეა შრომის მეცნიერული ბიუროს ინჟინერი. ამავე დროს თანამშრომლობდა საქართველოს რაიონის ახალგაზრდულ გადამცემთა რედაქციასთან. 1982 წლიდან მუშაობს მოსწავლე-ახალგაზრდობის რესპუბლიკური სახლის შემოქმედ მოსწავლეთა სტუდიის პედაგოგად.

ლ. ჯაფარაშვილს პირველი ლექსი 1968 წელს დაიბეჭდა ჟურნალ „ცისკარში“, ხოლო პირველი წიგნი-ლირიკული კრებული – 1979 წელს გამოვიდა, რასაც შემდგომში მოჰყვა კრებულები. 2011 წელს მკითხველმა საზოგადოებამ მიიღო მისი ლექსების ახალი კრებული „იმედი“.

1984 წლიდან ლ. ჯაფარაშვილი არის საქართველოს მწერალთა კავშირის წევრი. ნაყოფიერად მუშაობს საბავშვო მწერლობაში. გამოცემული აქვს საბავშვო ლექსების რამდენიმე კრებული: „მზეკარა“ (1979), „აპრილის ცრემლი“ (1986) და სხვა. 1999 წელს ჟურნალ „დილაში“ დაბეჭდილი ლექსებისთვის მიენიჭა შოი მგვიმელის სახელობის ლიტერატურული პრემია. პოეტმა არაერთი პოეტური სტრიქონი უძღვნა თავისი ბავშვობის ქალაქს. აი, ერთი მათგანი, რომელშიც საოცარ სიყვარულსა და სიბოხს აქისოვს:

ჩემი ბავშვობის ქალაქს ხაშურს

რაც თავი მახსოვს, მიახლოვდები,

შენთან მეოფი და შენგან წასულიც, ტაძრის შუქით და ნაშალ ლოდებით, ხოშარ მიწაში მფეთქავ წარსულით. ფიქრდაფიქველი მოვიწვევ შენსკენ, მწვედ გიგულებ და მეიმედები, როცა ამწვანებს შენს კორდს და ნეკერს თოვლნაქური და წვიმის წვეთები. როცა მონისლავს ძვირფას საფლავებს ია-ია და ფურისულეტი, მომხევენება, – ოცნების ნამღვეს, ესათუება მათი სულები!... მე იმათ ნათელს სიხმრებში ველი და ვიდრე შენს თბილ წიაღში წავალ, უნდა მოვნახო სიტყვა, რომელიც ღვთის ხშიადივით აპურებს მრავალს!

**ხაშურლები ეროვნულ-განმათავისუფლებელ მოძრაობაში (XXს-ის 80-90-იანი წლების შიგნით)**

9 აპრილამდე

80-იანი წლების მეორე ნახევარში საქართველოში აღინიშნა ეროვნულ-განმათავისუფლებელი მოძრაობის აღმავლობით. ქვეყანაში გამოცხადებულმა ე.წ. „პერესტრობის“ კურსმა საგრძნობლად დააჩქარა საბჭოთა კავშირისა და საქართველოს დამოუკიდებლობის აღდგენის პროცესი. საბჭოთა კავშირის ხელმძღვანელობა ნამდვილად არ ფიქრობდა საბჭოთა კავშირის დაშლას. ისინი ცდილობდნენ დემოკრატიული რეფორმების გზით მის შენარჩუნებას, მაგრამ ქვეყნის შიგნით მოკავშირე რესპუბლიკებში განავითარებდა ეროვნულ-განმათავისუფლებელმა მოძრაობამ და სახლგარეუთის ზეწოლამ თავისი შედეგი გამოიღო. საქართველოში ეროვნულ-განმათავისუფლებელმა მოძრაობამ განსაკუთრებულ მკვეთრად იჩინა თავი დიდი ქართველი მწერლისა და საზოგადო მოღვაწის ილია ჭავჭავაძის 150 წლისთავის საიუბილეოდ მზადების პერიოდში. ამ პერიოდში იქმნება და ასპარეზზე გამოდის ილია ჭავჭავაძის საზოგადოება, რომელიც აერთიანებდა იმ პერიოდში მოქმედ თითქოს ყველა ეროვნულ ძალებს.

ამავე პერიოდში, ხაშურში, გიორგი ცხვეადის მხრიდან იყო მცდელობა ილია ჭავჭავაძის საზოგადოების შექმნისა, მაგრამ ვერ განხორციელდა. ეროვნულად მოაზროვნე ძალებმა ხაშურში თანდათან იწყეს თავმოყრა და გაერთიანება მხარეთმცოდნეობის მუზეუმის ირგვლივ. განსაკუთრებულ აქტიურობას იჩენდნენ თბილისის უმაღლეს სასწავლებლებში ხაშურის რაიონიდან მოსწავლე სტუდენტები ახალგაზრდობა, რომლებსაც ადგილზე, მუზეუმის მხრივ, დახვდათ მომზადებული ნიადაგი. ადგილობრივი ხელისუფლება ფრთხილობდა, შეიძლება ითქვას, რომ მოუმზადებელი, ამასთან ერთგვარი შიშით შეხედა დაწვეულ ეროვნულ მოძრაობას. თუნდაც ის ფაქტი, რომ სტუდენტ-ახალგაზრდობის მიტინგის ჩატარების ნებართვა ქალაქიდან მოშორებით, საფიქრო-საგალანტერიო ფაბრიკის სხდომათა დარბაზში მისცეს, ამის დასტურად უნდა მივიჩნიოთ.

1988 წლის 20 ნოემბერს, საფიქრო-საგალანტერიო ფაბრიკის კლუბში ხაშურელ სტუდენტთა ინიციატივით შედგა პირველი მიტინგი. გამომსვლელებმა ისაუბრეს რესპუბლიკაში შექმნილ ვითარებაზე და დამსწრე საზოგადოებას მოუწოდეს აქტიურად ჩართულიყვნენ ეროვნულ-განმათავისუფლებელ მოძრაობაში, ამ მიტინგს ხაშურის საზოგადოებაში დიდი გამოძახილი ჰქონდა. ეს იყო პირველი საპროტესტო გამოსვლა ეროვნულად მოაზროვნე ახალგაზრდობის, რომლებიც ცდილობდნენ დასაყრდენი მოეპოვებინათ ქალაქისა და რაიონის საზოგადოებაში. ერთი წლის შემდეგ, ხაშურელი სტუდენტები ასე გაიხსენებენ ხაშურში სტუმრობას.

ხაშური, 1988 წელი, ნოემბერი: ოცამდე ხაშურელმა სტუდენტმა, რომლებიც თბილისის სხვადასხვა უმაღლეს სასწავლებლებში სწავლობენ, წესისა და რიგის მიხედვით) შეიტანა განცხადება რაიონული საბჭოს აღმასრულებელი კომიტეტის სახელზე კრების მოწოდების თაობაზე. ვთხოვდით რკინიგზის კულტურის სახლის დარბაზს. კრება ნაწილობრივ იქნა, მაგრამ რაიონის ხელმძღვანელებმა დაიცვეს რა „უსაფრთხოების“ წესები, შეხვედრისათვის საგალანტერიო ფაბრიკის მოციცხნული დარბაზი გამოიყენეს, კრებამორმევიც საქართველოს პრობლემებსა და რაიონის ცხოვრების უმნიშვნელოვანეს საკითხებს შეეხებოდა, დიდი ინტერესი გამოიწვია და დიალოგის გაგრძელების პრეცედენტიც კი შექმნა. კრების ორგანიზატორებმა და მოსწავლეთა ნაწილმა თავისი წვლილი შეიტანეს მწერალთა კავშირისა და არაფორმალურ საზოგადოებათა მიერ ორგანიზებული აქციის: შეგროვდა ხელმოწერები კონსტიტუციაში ცვლილებათა პროექტის წინააღმდეგ.

როგორც ზემოთ იყო აღნიშნული, რაიონის ხელმძღვანელობამ შექმნილ სიტუაციას თავიდანვე ვერ აუღო ადლო და შექმნილი მდგომარეობიდან გამოსავალს პარტიულ დიქტატში და ადმინისტრაციულ ორგანოებზე მუშაობის გააქტიურებაში ხედავდა. ამის დასტურად უნდა მივიჩნიოთ 1988 წლის 30 ნოემბერს პარტიის რაიონული კომიტეტში გამართული თათბირი, რომელსაც ესწრებოდნენ რაიონის პარტიული, სამეურნეო-იდეოლოგიის დარგის მუშაკები, ადმინისტრაციული ორგანოების წარმომადგენლები. თათბირის მონაწილეებმა მოისმინეს ინფორმაცია რესპუბლიკაში არსებული იდეოლოგიური ვითარების გათვალისწინებით რაიონში განხორციელებული პირველი რიგი ამოცანების შესახებ და რაიონის იდეოლოგიურ სამსახურს დაეველა კონკრეტულ ღონისძიებათა გეგმის შემუშავება და მასზე კონტროლი.

ამავე დღეებში, რაიონული საბჭოს აღმასკომის სხდომაზე, განიხილეს ხაშურელ სტუდენტთა იმავე ჯგუფის განცხადება, რომელიც შეეხებოდა საზოგადოებასთან ორგანიზებული შეხვედრის მოწოდებას 4 დეკემბერს. აღმასკომის სხდომაზე აღინიშნა, რომ სტუდენტებმა 20 ნოემბერს, აღმასკომის ნებართვით, რაიონის საზოგადოებასთან შეხვედრა მოაწყო საფიქრო-საგალანტერიო ფაბრიკის კლუბში ანალოგიურ საკითხებზე და აღმასკომმა ამ ეტაპზე მიზანშეუწონლად ჩათვალა სტუდენტთა განცხადების დაკმაყოფილება...

4 დეკემბერს, სტუდენტებმა მართლაც სცადეს ქალაქის ცენტრში მიტინგის გამართვა. დილიდანვე ავტომანქანებით მათ შემოიარეს ქალაქის ცენტრალური ქუჩები და მოსახლეობას მოუწოდებდნენ სასტუმრო „ივერიის“ წინ თავშეყრის, მაგრამ სამართალდამცავმა ორგანოებმა მოახერხეს ადგილზე დასწრე მიტინგის ჩატარების მცდელობა და სტუდენტობა ავტობუსით თბილისისკენ გაამგზავრეს. მოუქმნით ისევ სტუდენტებს:

„ხაშური, 1988 წელი, დეკემბრის 4: დღის პირველ ნახევარში გაიმართა საუბარი პარტიის ხაშურის რაიონის ბიუროს წევრებსა და სტუდენტთა ჯგუფს შორის, რომელიც დაძაბულად მიმდინარეობდა. აქ ჩვენ არაორაზროვნად გაგვიცხადეს: კრება, რომლის გამართვასაც თქვენ აპირებთ დღეს, არ შედეგაბო. (არადა განცხადებაც შეტანილი იყო წინასწარ და ასევე მოგვარებული იყო სხვა ფორმალური მხარეები, გარდა ერთისა: განცხადებები შეტანის ვადა ერთი დღით იყო დაგვიანებული). ფაქტობრივად, რაიონის ბიურომ გადაწყვიტა აღმასკომის სახელზე შეტანილი განცხადების ბედი. ესეც საბჭოების ხელისუფლება! ჩვენ, რა თქმა უნდა, შეგვეძლო გაგვეპროტესტებინა ეს საკითხი, მაგრამ საჭიროდ აღარ ჩავთვალეთ სიტუაციის გამწვავება. კრება, რომელზედაც უნდა გვემსჯელა ხაშურის რაიონში ჩამოსახლებულ მესხებზე, რუსული სკოლის საკითხზე და სხვა, არ შედეგა, ოფიციალურად აქციის აკრძალვის მიზეზად თავისუფალი დარბაზის უქონლობა დაგვისახელეს. ფაქტია, წინასწარ ყველა დარბაზი საგულდაგულად დაეკვირთათ სხვადასხვა ღონისძიებებით. მთავარი მიზეზი კი აი რა იყო: იმდღეა რა პავლოვის პირობითმა რეფლექსმა, რაიონის მესვეურებმა აღარ ისურვეს, გაგრძელებულიყო ნოემბერში ჩატარებულ კრებაზე დაწვეული კრიტიკის ქარცეცხლი, რომლის ობიექტებაც თავიანთი თავებიც ჩათვალეს. როგორ შეიძლება, რომ მანიფესტაციის ნებართვა მოგცეს იმან, ვისი პოლიტიკური ოპონენტიც თავად შენ ხარ. ამიტომაც, მიტინგისა და დემონსტრაციების ჩატარების წესის შესახებ მიღებული კანონი არადემოკრატიულია.

თამაზ ლაცაბიძე

(გაგრძელება იქნება)







# ლალ გელაშვილი: ხატვა ის უსასრულო, ულამაზესი და ღვთიური სამყაროა, რომელიც მე ვიპოვე ჩემში და რომელიც ჩრდილივით მუდამ თან დამყვება...

(დასასრული)

ასევე სწორ დახვეწილ, "ენერჯის" და "ვიბრაციას" შეუძლია უკეთესობისკენ შეცვალოს ჩვენი ფიზიკური და სულიერი სტრუქტურა.

-რას ემსახურება ბორჯღალა-მანდალა?




ის ახდენს ჩვენში ჩადებული დნმ-ის ინფორმაციის გააქტიურებას; გამოაქვს ქვეცნობიერიდან სხვადასხვა ბლოკირებული ემოციები, რომელიც აზიანებს ჩვენს ჯანმრთელობასა და ფსიქიკას. ახდენს გარემო სივრცის ჰარმონიზირებას და განწმენდას; მარჯვენა-მარცხენა ტვინის ნახევარსფეროების წონასწორობაში მოყვანას; სვამს ადამიანს სამყაროსთან მთლიან ველში და ამიტომ ცვლის მის ცხოვრებას უკეთესობისკენ.

არსებობს სამყაროს სრული და მუდმივი ინფორმაციული ველი, რომელზე წვდომაც შეუძლია ნებისმიერ გახსნილს. ასეთ ადამიანებს გამტარებს ან მიმღებებს ემახიან. ესენი არიან განსაკუთრებით მგრძობიარე ადამიანები და მათი უმრავლესობა ხელოვანია. მათ შორის ვარ მეც-თქვენი მეგობარი და მოსიყვარულე ლალ გელაშვილი.

- როგორც მხატვარი რას ვაკეთებ მე?



შევდივარ ინფორმაციულ ველში, ვხედავ თქვენს ვიბრაციას... რომ დავაზუსტო, კი არ ვხედავ არამედ ვგრძნობ ეს ყველაფერი მოდის იმპულსების სახით და ვეცნობი თქვენს ინფორმაციულ პორტრეტს. რომელიც მერე ასევე ფერების და მონახაზების, ანუ უფრო გამყარებული ვიბრაციის სახით გადმომაქვს ფურცელზე და ვაჯენ მას "ალის" ანუ ღვთაებრივი ენერჯის საწყის და გამააქტიურებელ ბორჯღალაში. სამყარო ზრუნავს თქვენზე და იქმნება სწორდს ის ნახატი, რომელიც მოცემულ მომენტში, ოპტიმალურად სჭირდება თქვენს ღვთიურ არსს გამლიერებისა და გაჯანსაღებისთვის. თქვენ ხდებით დ ვ თ ა ე ბ რ ი ვ ი ა რ ქ ი ტ ე ქ ტ უ რ ი ს მწყობრი და



გააქტიურებული ნაწილი- ასე იქმნება თქვენთვის ინდივიდუალური ბორჯღალა... ის გეხმარებათ თქვენს ცხოვრებაში სასიკეთო ცვლილებების მოხდენაში, გაჯანსაღებასა და სირთულეების დამლევადი-ის ხდება თქვენი ერთგული და მოსიყვარულე მეგობარი...

-ხაშურიდან იმ დროს წავედი, როცა შორტის ჩაცმისთვის შეიძლება კაცი ეცემათ. ახლა დავბრუნდი და ქალაქი დამხვდა გაზრდილი და ფერადი ქვაფენილით და თვალშისაცემი-ემანსიპირებული ქალებით, განახლებული მუსიკალური სკოლით, სადაც ამ ექვსიოდე თვის მანძილზე უკვე

რამდენჯერმე დავესწარი შესანიშნავი კლასიკური მუსიკის კონცერტს. ასევე დავესწარი რამდენიმე სპექტაკლს და ეს მეტყველებს, რომ ქალაქი ცოცხალია და მზის სხივებით ივსება... ალბათ, მეც მის გასაფერადებლად ჩამომიყვანა აქ სამყარომ. ამიტომ, ჩემს პირველ პერსონალურ გამოფენას აქ ვგეგმავ, რადგან ხაშურელი ვარ და საწყისი წერტილიც ჩემი შემოქმედებითი ტურნესთვის ეს ქალაქი უნდა იყოს.

თუ მკითხავთ, სად უფრო ვჩანვარ, ჩემი შინაგანი ბუნებით, გიპასუხებთ:

ხატვა ის უსასრულო, ულამაზესი, საინტერესო და ღვთიური სამყაროა, რომელიც მე ვიპოვე ჩემში... და რომელიც ჩრდილივით მუდამ თან დამყვება... ვიქნები მარტო, თუ უამრავ ადამიანთან ერთად... ხოლო პოეზიას კაკუნას ვეძახი... მომიკაკუნებს ლექსი და მთავარია, კარი გაუღო... მაშინვე სკუპ და იბადება... უამრავი ლექსი ჩაწერილიც არ მაქვს ქაღალდზე, მხოლოდ ინტერნეტსივრცეშია. რადგან მოდის და მე ვწერ... განსხვავება ლექსსა და ნახატს შორის ისაა, რომ ლექსი რამდენიმე წუთში, ნახატი კი თვეობით იქმნება... ერთი ჩემს ველის თქმას გადმოსცემს, მეორე კი სამყაროსას... ასე რომ, მე უფრო ჩემს ლექსებში ამომიცინობ... ნახატები კი სრულიად სამყაროს ეკუთვნის.

ძალიან მნიშვნელოვანია ჩემთვის მაყურებელი - განსაკუთრებით მიხარია, ბავშვებს რომ მოწონთ ჩემი ნახატები

- რა აზრი აქვს შენს არსებობას. გინდა ადამიანი იყავ, გინდა ღმერთი. თუ ვინმე არ გხედავს, თუ არ უყვარხარ... ?

ღმერთმაც იმიტომ შექმნა ადამიანი, რომ მას ყვარებოდა ადამიანური სიყვარულით... და ვინმეს დაენახა და სახელი დაეძახა მისთვის... ვისაც გაუზიარებდა. მერე ადამიანმაც იმიტომ შექმნა ღმერთი, რომ მუდმივი სიყვარულის წყარო ეპოვა მისი სახით...

სარკესავითაა ეს ყველაფერი... სარკის ანარეკლი არ ვართ ჩვენ... ჩვენ ის ვართ, ვინც იცქირება ამ სარკეში... უფლის ანარეკლი სარკეში კი ალბათ ადამიანია... --აი, ვინა ვართ ჩვენ... უფლის ანარეკლი სარკეში... - სიყვარული რაღა მაშინ?!!! კარებია სიყვარული...!!! რომელიც სარკეში მოცქირალს და ანარეკლს ერთმანეთს ახუტებს...



თუ მკითხავთ, სად უფრო ვჩანვარ, ჩემი შინაგანი ბუნებით, გიპასუხებთ:



თუ ბოლო სიტყვაობა უნდა ვთქვა, ვიტყვი, რომ ადამიანები სიყვარულის ძიებაში ვხარჯავთ სიცოცხლეს და უსიყვარულობითა და მარტოობით ვიტანჯებით მაინც... ბედნიერების საიდუმლო კი, სიყვარულის გაცემა-გაზიარებაა! სულ რომ უსიყვარულოდ დაიარებოდე, უსახური და უსიცოცხლო, ერთი წვეთი სიყვარული თუ მოიმაღლე შენში და გაეცი, მალე ნაკადულად დაგიბრუნდება... სიყვარულის ნაკადულს თუ სხვას დააღვინებ, მერე ზღვა სიყვარულს გადააწყდები და ასე უსასრულოდ. ეს სამყაროს კანონია და ამიტომ, ვინც ახლა ამ სიტყვებს კითხულობთ, ყველას გიზიარებთ ამაღლებულ, ფერად და ტკბილ სიყვარულს... მე თქვენ მიყვარხარ!

თ. ჯავახიშვილი

ა(ა)იპ საშურის მუნიციპალიტეტის გაზეთი „საშურის მოამბე“. დირექტორი და გაზეთის რედაქტორი გიორგი გოგალაძე, მისამართი: საშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: საზინის ერთიანი ანგარიში, საიდენტიფიკაციო კოდი 443860984, სახელმწიფო საზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.